



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tribunal Poenitentiæ Sev Libri Dvo Prior De Poenitente Ut  
Reo Posterior De Confessario Ut Judice**

**Stoz, Matthäus**

**Anno M.DC.LXXXIX.**

§. 1. De poena violentium sigillum.

**urn:nbn:de:hbz:466:1-37144**

uti quoque potest pœnitens, cùm injustè de suis peccatis confessis interrogatur, si-  
ve jam à Confessario, sive à quovis alio.  
Reginald. lib. 3. n. 24. Bonac. tom. I.  
Diff. 5. q. 6. sect. 5. p. 4. n. 32. & alii. Idem  
possunt & cæteri omnes, quos sup. à n. 258.  
dixi esse ad sigillum obligatos.

lum à sacerdotali officio deponatur, ve-  
rū etiam ad agendam perpetuam pœni-  
tentiam in arctum Monasterium detru-  
datur. Sed cùm utique etiam Monaste-  
riis non admodum sit commodum, tam  
impios hospites admittere, ideo pro arcto  
Monasterio satius esse videtur, ut substi-  
tuatur alius pœnitentia locus in arcta  
quada custodia.

Pœna Depositionis & Detrusione est  
utraque sententia non latæ, sed tantum  
ferenda, adeoque non incurrit ipso fa-  
cto, sed tantum per sententiam Judicis.  
Fag. l.c.n.2. Lug. n. 147. Dian. p. 5. tr. II.  
Ref. 51. Judge autem competens non  
est Magistratus laicalis, sed tantum Eccle-  
siasticus, & quidem ille, cui tanquam  
suo Ordinarii subjectus est accusatus sa-  
cerdos. Bonac. tom. I. Diff. 5. q. 6. sect. 5. p. 1.  
n. 6. Palao cit. p. 19. §. 1. n. 14. & alii. In-  
quisitores ubi sunt, nunquam suscipiunt  
cognitionem seu discussionem cause de  
revelatione sigilli mera, sed tantum de ea,  
quæ est mixta cum hæresi; ut: si quis  
revelet sigillum, quia negat Pœnitentiam  
esse Sacramentum; vel negat Sacra-  
mento Pœnitentia esse annexum sigillum, &c.  
Dian. p. 4. tr. 8. Ref. 95. Bonac. Palao &  
alii.

Nonnulli volunt Confessarium sigilli-  
fragum esse etiam irregularem; sed recte  
ex communi negat Fag. l.c. n. 3. dicit  
que Barb. in Collect. ad cit. cap. Omnis  
utrinque. id esse improbat. Bene  
quoque negat Fag. n. 9. cum aliis contra  
alios, ejusmodi confessarium esse inhabi-  
lē ad testimonium dandum in Judicio;  
nisi quoad peccatum ex sola confessione  
notum.

277. Cùm autem in pœnis benignior  
Y fit

## SECTIO VIII.

### De Pœna violentium Sigillum, & Modo procedendi contra illos.

276. Jacobus I. Aragoniæ Rex ius sit  
cuidam Episcopo, Regis Confessionem  
revelanti, linguam sacrilegam à tergo ex-  
trahi, ut ex Aldrete refert Fag. Præc. 2.  
lib. 6. cap. 7. n. 1. aitque fuisse quidem  
tanto crimine pœnam condignam, sed  
non à legitimo Judice inflictam; intel-  
lige: nisi forte reus fuerit antè legitimè  
degradatus, & Curia laicali traditus; si-  
cur de Rege Christiano præsumi potest  
esse factum, quod de Jure faciendum  
fuerat.

#### §. I.

##### De pœna violentium Sigillum.

In Jure Canonico statutum olim fuit,  
ut sacerdos peccata sui pœnitentis male  
revelans deponeretur, & omnibus die-  
bus vitaे suæ ignominiosus peregrinare-  
tur. can. sacerdos. 2. Diff. 6. de Pœnit. Quia  
autem tam misera circumvagatio videba-  
tur esse dedecori statui Ecclesiastico,  
ideo, abrogatâ partim hac pœnâ, decre-  
tum est Jure novo cap. Omnis utrinque.  
13. de pœnit. & remiss. ut Sacerdos, qui  
peccatum in pœnitentiali Judicio sibi de-  
rectum præsumperit revelare, non so-  
R. P. Stoz. Trib. Pœnit. Lib. II.

sit interpretatio facienda. Reg. 49. in 6. exque mollienda potius sint, quam exasperandæ. I. Interpretatione. 42. ff. de pœnis. ideo etiam par est, textum cap. Omnis utriusque præced. num. relatum, ejusque verba

juxta strictam significationem suam ita interpretari, ut pœna sigillifragis statuta in Canone juxta eundem ritè percipiantur.

Ad incurriendam ergo pœnam Depositionis & Detrusionis in Monasterium propter fractum sigillum requiritur I. ut frangens sit Sacerdos; de hoc enim solo loquitur textus.

II. Ut id, quod revelat, sit peccatum; sicut itidem habent verba textus; adeoque ut revelet vel veniale in aliqua certa specie v.g. Mendacium jocosum, Verbum otiosum, Furtum materiæ parvæ &c. vel Mortale, saltem in genere, sive jam ipsius Pœnitentis, sive Complicis. sup. n. 230. Unde revelans alia, quæ sub sigillum cadunt. sup. n. 191. vel tantum dicens, aliquem sibi confessum esse venalia, multa, gravia, nova, minutissima &c. peccat quidem conta sigillum sup. n. 224. E seq. potestque puniri, non tam prædictâ pœnâ ordinariâ, sed aliâ extraordinariâ & mitiore. Dian. cit. p. 5. tr. ii. Ref. 51. cum Granado. Imò Bern. Diaz. in præc. crim. cap. 109. n. 2. non putat, pœnâ ordinariâ puniendum, qui dicit: Petrum, qui mihi confessus est, non absolvî; vel: Petrus est mihi confessus peccata, à quibus non possum absolvere. Nam et si Petrus hoc modo reddatur suspectus de peccato aliquo mortali & gravi contra sigillum; tamen quia etiam ob multas alias causas alicui absoluto dari non potest. sup. n. 234. ideo nondum in

ordine ad pœnam à lege statutam censemur. Perri peccatum sufficenter esse hoc modo revelatum. Non apparet ergo, cur hanc sententiam sibi non placere dicat Fag. cit. lib. 6. cap. 7. n. 11.

III. Ut peccatum patescat revelando; præsumperit revelare, inquit textus. Revelatio autem strictè sumpta est illa, quâ secretum alicujus certæ personæ manifestatur alteri, cui non jam antè est notum. sup. n. 193. Unde reus quidem violati sigilli, non tamen prædictæ ordinariæ pœnæ est, qui extra confessionem soli pœnitenti de confessio ejus peccato loquitur. Dicast. n. 89. Hurt. de Sacram. Pœnis. Diff. 12. Diff. ii. vide D. an. p. 5. tr. ii. Ref. 6. vel qui dicit de aliquo, illum sibi esse confessum v.g. adulterium, quod vel est notorium, vel latem illis jam antè est notum, quibus id dicit. Medina apud Dian. l. c. contra alios; vel qui, cum dicit, se hoc vel illud peccatum in confessione audivisse, non exprimit ullam certam personam; vel exprimit tantum locum aut communitatem, ubi id auditur. Nugnus & Onuphrius apud Dian. p. 2. tr. 15. Ref. 13. v. sed quoad. quia nullus ex istis strictè revelat peccatum; cùm priores duo id tantum dicant illis, quibus jam antè est notum; & tertius personam pœnitentis, saltem determinat, non exprimat. Eodem modo à pœna ordinaria immunis est, qui tantum uitetur notitia confessionis, sed absque omni revelatione; de quo sup. à n. 252.

IV. Ut peccatum revelet præsumptuose; quia textus ait: quis præsumperit revelare, hoc est, qui scienter & voluntariè cum plena deliberatione revelaverit peccatum, sive jam in seipso & directe, sive

sive in aliquo alio facto aut signo; quo modo diximus *sup. n. 192.* revelari indebet. Unde pœnam ordinariam non incurrit, qui peccatum pœnitentis revelat, sed ex ignorantia, vel inadvertentia, vel in somno, amentia, ebrietate &c. quamvis se inebriasset cum prævisione periculi de revelatione tunc facienda; vel cum expressa quoque intentione, eam tunc faciendi. Ratio, quia ebrii proferunt verba merè materialiter, & non ad ullum mentis sua conceptum per ea exprimendum; cùm nullatenus advertere possint, ea esse ad id apta media. Nihilominus tamen ejusmodi incurii, & præsertim ebriosi homines alia gravi pœna coercendi sunt; quia proximum adhuc graviter lœdunt, & Sacramentum magnâ irreverentia afficiunt.

V. Ut sacerdos peccatum, quod revelare præsumit, ex Sacramentali alicujus confessione cognoverit tanquam *Confessarius*; sibi nimirum (tanquam *Judici*) in Sacramentali *Judicio* (non inchoativè aut consecutivè, sed formaliter, hoc est, pro ipsa formalis confessione Sacramentali sumpto) *derectum*; ut habet textus. Unde apparet, quod solus Confessarius sacerdos propter sacrilegam peccati revelationem sit subjectus pœnæ, in *cit. cap. Omnis utrinque*. statutæ; & nullus alias ex omnibus, quos *sup. an. 258.* recensuimus, sive jam peccati notitiam ex confessione acceperint immediatè, vel mediatè, licetè vel illicetè; atque adeo nec Sacerdos, qui peccatum, quod revelat, cognovit tantum ut interpres, internuntius, consiliarius, superior &c.

278. Clericus, qui, cùm nondum sit sacerdos, fингit se esse, & non ex joco,

sed serio audit aliquem Sacramentaliter confitentem, tanquam Confessarius, est propter hoc solum improbum facinus, etiam si nihil revelet, abjiciendus de Ecclesia, sive (ut *Fag. cit. lib. 6. cap. 7. n. 4.* putat) excommunicandus, & fit irregularis; sicut omnes alii Clerici, qui actum Ordinis, quem non habent, exercent solemniter, vel ex officio. *cap. si quis. 1. de Cler. non ord. ministr.* hoc est, exercent actum quendam Ordinis eo modo, quo non potest licetè nisi ab habente ipsum Ordinem exerceri. *Barb. ibid. n. 6. quin. 7. uti & Dian. p. 5. tr. II. Res. 53.* cum *Hesitiq. Sayro* & aliis rectè docet, laicum, qui se fингit esse sacerdotem, & confessionem audit, non esse propterea irregularis: quidquid in contrarium nitatur *Fag. I.c.* Nam irregularitas nunquam incurrit, nisi sit in Jure clarè expressa. *cap. is qui. 18. de sent. excom. in 6.*

At vero Clemens VIII. in Bulla *Esi alias*, 18. An. 1601. I. Decemb. edita statuit insuper, ut quicunque non promotus ad presbyteratum Missam celebrasse, vel Confessionem Sacramentalem audivisse repertus fuerit, ab Inquisitoribus vel locorum Ordinariis tanquam misericordiā indignus à foro Ecclesiastico abjectiatur, & ab Ordinibus Ecclesiasticis, si quos habet, ritè degradatus, statim curie seculari tradatur, per Judices seculares debitum pœnis plectendus; & quidem (ut Urbanus VIII. in Bulla *Apostolatus*. 79. an. 1628. 23. Martii edita extendit) sive sit laicus, sive clericus secularis aut regularis cuiuscunq; Ordinis, etiam exempti & immediatè Pontifici subjecti, majorenus vel minorenus, dummodo vigesimalium ætatis annum compleverit.